

2020 新聲台灣合唱作曲比賽歌詞

《思念》 李敏勇

花若開的時陣
我就想起爸爸你
你牽著我的手
行佇故鄉小路

花若謝的時陣
我嘛想爸爸你
二二八 來犧牲
永遠看無你

風淒冷 二月天
情綿綿 心傷悲
親像花朵落佇你我兩人身邊

花開 花謝 擱一年
日日夜夜思念你
永遠永遠 未當放未記

《記憶》 李敏勇

佇每一個人的腦海
存在著地平線
沒給汙染的原野
佇頂面在飛的鳥仔

雲佇樹林裡慢慢行動
放映藍天的故事
遠方旅行者的批寄託在飛的葉子
風演奏著季節的情景

佇每一個人的胸坎
存在著水平線
沒給污染的海洋
悠游佇裡面的魚仔

船佇防波堤外航行經過
描繪著碧海的情節
遠洋流浪人的嘆息落佇海湧
雨合唱著歲月的腳跡

《秋天的詠嘆調》 李敏勇

秋天的暗暝
要開窗的時陣
親像看到你
倚佇遠遠的所在

風在吹你的衫
草俗葉在飄動
你的身軀
是一樣釘根佇島國的樹仔

恁講你離開去

原來你倚做一樣樹仔
佇島國的土地
變做綠色標記

忍不住想要問你
受傷的胸坎猶會痛癢
黑暗的夜
只有風的聲音